

Tuhaqtitaujukhaq Tuhaqtitauhainaqtukhaq

Quviahuutigiblogu atauhiup-ukiunganik tikiutingmijut atiliurniranun Kanadami-tamainnun Ilihalihaaliqtuni Ajuirhajut Nutaqqaniklu Munariniq Angirutimik Nunavunmi

Gatineau, Québec, Januali 24, 2023 – Qangaraalungmut, ilamiknik atuqtait akitujunik nutaqqiqivik akingit, akuniraalukmik utaqqijut titiraqhimajut, ikitpallaarmatalu nakuuqpiagtumik nutaqqiqivik qanuriliurutikhani. Taimaali Kavamatkut Kanadami atiliuqtaat angirutit attautinun aviktungniinun aviktuqhimajununu atuliriangini Kanatami-tamainnun ilihalihaaqtut nutaqqiqiviillu auladjutait, tunihijut nutaqqanun nakuutqiatigut aularutilutik inuuhirmun uvalu inuuhirmun akituvalaangittut ilainnun tamaini Kanadami.

Ublumi, Minista Ilagiiktunun, Nutaqqanun Inungrnullu Pivallialiunqirun, Karina Gould, unalu Nunavut tip tuklia Hivuliqt unalu Minista Ilinniaqtulijikkut, Pamela Gross, naunaijaqtaa atauhiq-ukiuq nalliutinga sainiutaani uumani Kanadami-Nunavunmi Kanadami-tamaat Ilihalihaaliqtuni Ajuirharnikkut Nutaqqiqiviknullu Angirutimi.

Ilaupluni angirutimi Nunavut Kavamangani, Kanadaup Kavamanga tunijun \$66.1 millionmik avatqumajuni tallimani ukiuni laisqaqtukhani ilihalihaaliqtunun nutaqqiqiviinnunlu nutaqqanun ataani ukiunik 6-nik Nunavunmi. Talvuuna maniliqtuutikkut, kavamait Kanadami Nunavunmilu havaqatigiiktuk pimmarighariami pijaarnirun ihuaqpiaktunik, akiliruminaqtumik, ihuaqhaqtaaqatuniku, ilaurutikhanik ilihalihaaqtunut iliharnirmik nutaqqiqivikhaniklu ilihaqtakhanik havagutikhaniklu.

Nunavut hivulliqaangujuq nunagijaujuq pidjutimik \$10-ublumun laisilingnun nutaqqiqiviit uvani Kanadami-tamainni ajuirhajut nutaqqiqivingnilu. Talvannga Tisaipa 1, 2022min, ilagiit Nunavunmi nutaralgit ataani ukiuqagtut 6nik laisqaqtuni nutaqqiqivingniittun laisqaqtullu nutaqqiqiviit aihimavingni nutaqqiqivingni pijaaqtun nutaqqiqinikkut munaridjutinik imaatun \$10-ublumun. Nunavut ilauliqtuq hapkununga Yukon hamanilu Quebec tunihinirmun ilagiingnun maligaqquutunun nutaqqiqivingnun imaa \$10-atauhiq-ubluq ikitqianulluunniin.

Una anginiqaruti pijaujuq tamanun 15 tatqirhiutit hivuagun Nunavutim Hulidjutinun Upalungaijautaani atugakhaanin, avatqumajuqlu pingahuni ukiuni hivuagut uumannga Maatsi 2026 kavamatuqatkunnin turaanganianin uvani Kanadap-tamaani atuqtauvikhaanin. Uumuuna \$10-atauhirmun-ublumun nutaqqiqivingnun, ilagiit Nunavunmi akiliqturiaqangittun \$55mik atauhirmun ublumun tamainnun nutaqqanun munarijaujunun aajjikkuehirutikkut hivuagun akiinnun.

Nunavut aulahimaarniaqtun tunihinikkut havaktukhahiurnikkut pihimanikkullu maniktaqvikharnik tamainnun laisqaqtunik nutaqqiqivikharnik, taima ikajuutiniaqtun akikharnik ihuaqhaidjutikharnik hapkununga ilihaliqtinnagit ajuirhajut nutaqqaniklu munagidjutikharnik ilihaijingit taima 283nik tadjja havaktukhanik havaanginnik. Talvuuna Maatsi 2023kut, Nunavut piliurniaqtun akikhanun naunaitkutikhanik ikajuutikhanik ihuaqtumik tautungnaqtuniku akikhanik nutaqqanik munagidjutikhainni, pilarhuutikhaniklu hivumukhimajunik iliharutikhanik titiraqalirnikkullu uvani ilihalihaaqtuni ilihaijinun.

Havangnia ilihalihaaqtut ukualu nutaqqiqiviit auladjutait tapkua ihuatqiat tamainun ilagiiktunun tamaini aviktungniini ilaujuq Kanadam Kavamanga upalungaijauta atauhiq akiliruminaqhijaangani ilagiingnun, havaaghaliuqlutiklu nakuujunik havaaghanik angiklivaliajumi maniliurutit. Tamaita Kanadaup avikturhimanirni ukiuqagtunilu piqangittun tadjja \$10-ublumi pidjutimik unniutihimajun mikhilaaqtirnikkut nutaqqani munarinikkut akiinnik.

Uqautaujut

"Naunaipkarlugu hivulliqpaaq ukiuq Kanadami tamainni angirutinga Nunavunmut, kavamavut quviahuutinginnarialik tunigami manikkut atuqtaungittunik ilagiiktunut Nunavunmi. Havaqatigiplugu Nunavut Kavamanga, quulliqpaani-nakuujuni, akiliruminaqtut, ihuarutilgit uvalu ilauqatigiingnikkut nutaqqiqiviit atuqtauliqtut aviktuqhimajumi, akiliriaqanginnikkut ilagiiktuni amigaittuni manikhanik tamainni tatqiqiuthini. Niriuktunga aulahimmaaqkunin nakuujunik iniqtirutikhanik piliurhimmaaqtiluta turaangajaptiknun uvani \$10-ublumi maligakkut nuttaqqanik munagidjutikhainik humiliqaak Kanadami." – Minista Ilagiiktuni, Nuttaqqan Inungnullu Pivalliani, Karina Gould

"Quviahukpiaktugut quviahuutigiplugu nalliutinga uvani Kanadap-Tamainni Angirutimi. Ihuarhijuumirlugu pijaarni, uvalu akiliruminaqtumik, nutaqqiqivik Nunavunmi naunaijautaa ikajuqhugit ilagiit uvalu ihuarhijuumiqlugit tamaat inuuhirikningit Nunavunmiunun. Una angiruti pipkarhimajaatigun pinikkut piqpiarhimajunik qanuriliutikhanik hivumuutinirmun nutarani munarinikkut havakviit, naunairutiqaqtuq amigaitqijani angajuqqaat munaqtiujullu havaktaaqkun, ikajurhugin ilagijamingnik tuniutiplunilu Nunavunmi piangaijarnianun. Havakhimaarniaqtugut havaqatigihimmaarlugin kavamatuqatkunni ukualu Inuit timiqutait paannarijavun piliurjuummirnirmun havagvingnun ikalurlugillu nutaqqat, ilagiiktun, iharianaqkullu nutaqqanun havaktiit taja hivunikhamilu." – Nunavutim Tukliq Hivuliqtia Ministalu Ilinniaqtuliqijikkut, Pamela Hakongak Gross

Itquumajut

- Ilaujumi Manikhanun-aturutikhami 2021, Kanadam Kavamanga pijuuq aallanguqtirutikhami maniliqtuutikhamik avatquhimajumik \$27 billion avatqumajumi tallimat ukiuni havagiangini Kanadami-tamaani ilihalihaaqtunun uvanilu nutaqqiqiviit auladjutainnun aviktungnirni aviktuqhimajunilu. Atauttimukhimajut aallannun maniliurutinun, ilaujut Nunaqaaqaaqtuni ilihalihaaqtuni ukualu nutaqqiqiviit, talvungamun \$30 billion avatqumajumi tallimani ukiuni tunijauniaqtut ikajuutinik ilihalihaaqtunun nutaqqiqivingnullu.
- Talvuuna kinguagut maniliqtuutinginni ilihalihaaqtut nutaqqiqiviillu, Kanadaup Kavamanga ikajuqtut piliuqhutik avatqumajunik 40,000 akiliruminaqtunik nutaqqiqivikhainik inikhainik tamainni nunagijaujumi.
- Ilitariplugu nutaqqat ilihalihaaqtun ilihaijiit piqpiarutiujun quulliqpaanik-nakuutqijaujunik, akituvallaangittumik, pittaqtuq ilaupkaijaamilu ilihalihaaqtun unalu nutaqqanik munarinuq pidjutainni, akiliuhianga naunaitkutait aallanikluunniit ajurhainirmut ikajuutikhat nutaqqanut ilihalihaaqtunun ilihaijiit ilaujut tamainnut Kanadami-tamainnit angirutini, kihimi ilaungittuq Quebec, piqaqtuq aallangajumik angirutimik.
- Pipkainikkut ilagiit tamaani Kanadami piqaqtun aularaanginnaqtumik pidjutikhanik akituvallaangittunik, ilaujunik, quulliqpaanullu-nakuutqijani ilihalihaaqtunik nutaqqanun munagidjutiniku, Kanadam Kavamanga qangannuaq pipkaihimajuq Maliganguqtitaujumajumik C-35, taimaa, pigiaqtigumik, pipkaqtiniaqtait uppiridjutait uumani Kanadami-tamaat ilihalihaaqtuni nutaqqanilu munagidjutikhanik talvunga kavamatuqatkunni maliganguqluni. Una ilaqaqtuq havagumanirmik aulapkainirmun hivitujumik kavamatuqatkunni maniliqtuutikhanik avikturhimanirnun, ukiuqtaqtunun Nunaqaaqaaqtunullu inungnun ikajuriami ilaudjutikhamik ilihalihaaqtunun nutaqqiqivighanullu ataani Kanadami-tamaat pidjutimi.
- Maniliqtuutikhat nutaqqiqivingni ikajurniaqtait tamaita tamaat Kanadami. Naunaijarutit taututijun tamaita \$1.00 maniliqtuutit ilihalihaaqtuni ilihaidjutini aulapkaijun ikajurutikhanik imaatun akunngani \$1.50min uvunga \$2.80mun utiffaarutinik.

Ilaujut Atadjutit

[Talvunga \\$10-Ublumun: Ilihalihaaliqtunun Nutagqigivinullu - Canada.ca](#)
[Kanada – Nunavut Kanada-Tamaat Ilihalihaaliqtunun Nutagqigivinullu Angiruti – 2021min talvunga 2026mun](#)
[\\$10-ublumun nutagqiginirmun ilagiiktuni Nunavunmi](#)

- 30 -

Tuhaqtidjutinun apirhuutinun, uqaqatigilugu:

Mohammad Hussain

Taigualiuqtiinni Titiraqtia

Havagviat Minista Ilagiiktunun, Nutaqqanun Inungnullu Pivallialiurnirnun, Ahmed Hussen

mohammad.a.hussain@hrsdc-rhdcc.gc.ca

Krista Amey

Atanngujauullaktuq Tuhaqtipkaijiinni

Ilinniaqtuliqijikkut Havagvia

Nunavut Kavamanga

(604) 347-6015

kamey@gov.nu.ca

Casey Lessard

Aulapkaiji Tuhaqtipkainirnut

Nunavut Kavamanga

867-975-6004

clessard2@gov.nu.ca

Tuhaumapkainikkut Havagvia

Havaktuliqinikkut Inungnullu Pivalliadjutikhainnun Kanadami

819-994-5559

media@hrsdc-rhdcc.gc.ca

[Malikluta Twitter-mi](#)